




05
12354
PSO



Broj: 02-04-52795-1/23
Sarajevo, 20.12.2023. godine

Na osnovu člana 26. i 28. stav (2) Zakona o Vladi Kantona Sarajevo („Službene novine Kantona Sarajevo“, broj: 36/14 - Novi prečišćeni tekst i 37/14 - Ispravka) i tačke 2. poglavlja VI Plana interventnih mjera u slučajevima prekomjerne zagađenosti zraka u Kantonu Sarajevo („Službene novine Kantona Sarajevo“, broj: 49/23 i 50/23 - Ispravke) Vlada Kantona Sarajevo, na **Osmoj vanrednoj sjednici održanoj 20.12.2023. godine**, donijela je

O D L U K U
O PROGLAŠENJU EPIZODE „UZBUNA“ U ZONI A (PODRUČJA OPĆINA STARI GRAD, CENTAR, NOVO SARAJEVO, NOVI GRAD I ILIDŽA) PLANA INTERVENTNIH MJERA U SLUČAJEVIMA PREKOMJERNE ZAGAĐENOSTI ZRAKA U KANTONU SARAJEVO

I

Proglašava se epizoda „Uzbuna“ u zoni A (područja općina Stari Grad, Centar, Novo Sarajevo, Novi Grad i Ilidža) Plana interventnih mjera u slučajevima prekomjerne zagađenosti zraka u Kantonu Sarajevo (u daljem tekstu: Plan).

II

U cilju smanjenja emisija u zoni A, uz zadržavanje svih mjera iz epizode „Upozorenje“, nalaže se preduzimanje sljedećih mjera/aktivnosti:

- Zabrana kretanja u zoni A automobila i teretnih vozila čiji motori imaju normu EURO3 i manju, a što se ne odnosi na vozila policije, inspekcije, ministarstva odbrane, javnog gradskog prevoza, javnih komunalnih preduzeća, vozila pravnih lica koja za potrebe komunalnih preduzeća izvode radove na hitnim intervencijama, vozila sa diplomatskim tablicama, vozila invalidnih lica, taxi vozila i vozila hitnih intervencija (civilne zaštite, hitne pomoći, vatrogasaca).
Nosioци mjere su pravna i fizička lica, a subjekti praćenja mjere su Ministarstvo saobraćaja Kantona Sarajevo, Ministarstvo unutrašnjih poslova Kantona Sarajevo i Kantonalna uprava za inspeksijske poslove Kantona Sarajevo (saobraćajna i cestovna inspekcija);
- Privremeno zaustavljanje svih tehnoloških procesa koji rezultiraju emisijama prašine u zrak gdje je to tehnički izvodivo, odnosno ako tehnološki procesi omogućavaju zaustavljanje. U slučaju da zbog karakteristika tehnološkog procesa nije moguće njihovo potpuno zaustavljanje, iste je potrebno svesti na tehnički minimum.
Nosioци mjere su operatori emisija iz tehnoloških procesa, a subjekat praćenja mjere je Kantonalna uprava za inspeksijske poslove Kantona Sarajevo (okolišna inspekcija);
- Maksimalno povećanje kapaciteta sredstava javnog gradskog prevoza koji ne zagađuju okoliš
Nosioци mjere su GRAS d.o.o. i Centrotrans d.o.o., a subjekat praćenja mjere je Ministarstvo saobraćaja Kantona Sarajevo;



- Obezbjedenje besplatnog javnog prevoza ili subvencioniranja voznih karti.
Nosilac mjere je Ministarstvo saobraćaja Kantona Sarajevo.
- Organizovanje online rada od kuće, zavisno od mogućnosti, s ciljem rasterećenja kapaciteta javnog prevoza i gradskih saobraćajnica.
Nosioци mjere su pravna lica.

III

Vlada Kantona Sarajevo, u toku trajanja epizode „Uzbuna“, provodi mjere definisane tačkom 2.1. poglavlja III Plana.

IV

Ova odluka stupa na snagu danom donošenja, a objavit će se u „Službenim novinama Kantona Sarajevo“.



Dostaviti:

1. Predsjedavajući Skupštine Kantona Sarajevo,
2. Zamjenici predsjedavajućeg Skupštine Kantona Sarajevo (3x),
3. Premijer Kantona Sarajevo,
4. Ministarstvo komunalne privrede, infrastrukture, prostornog uređenja, građenja i zaštite okoliša Kantona Sarajevo,
5. Subjektima zaduženim za primjenu Plana (ministarstvima, općinama, zavodima i javnim komunalnim preduzećima) (putem Ministarstva komunalne privrede, infrastrukture, prostornog uređenja, građenja i zaštite okoliša Kantona Sarajevo),
6. Za objavu u „Službenim novinama Kantona Sarajevo“,
7. Evidencija,
8. A r h i v a.



Adresa: Reisa Džemaludina Čauševića 1, 71 000 Sarajevo
Tel: + 387 (0) 33 562-000, Fax: + 387 (0) 33 562-076
Web: <http://vlada.ks.gov.ba>, E-mail: vlada@vlada.ks.gov.ba

2/2